

CYMDEITHAS ELUSENNOL YNYS MÔN	
PWYLLGOR :	PWYLLGOR BUDDSODDI A CHONTRACTAU
DYDDIAD :	5 TACHWEDD 2019
TEITL YR ADRODDIAD :	DYRANNU CYLLID AR GYFER GRANTIAU MWY
PWRPAS YR ADRODDIAD :	I gytuno ar swm i ddyrannu i'r grantiau mawr am 2020
ADRODDIAD GAN :	TRYSORYDD DROS DRO – CYMDEITHAS ELUSENNOL YNYS MÔN
GWEITHREDIAD :	Yn seiliedig ar y wybodaeth a ddarparwyd gan reolwyr buddsoddi'r Ymddiriedolaeth, i bennu'r swm a ddyrennir i grantiau mwy yn 2020

1. CEFNDIR

- 1.1** Dros y bedair mlynedd ddiwethaf, roedd Ymddiriedolaeth Elusennol Ynys Môn wedi rhoi swm o arian o'r neilltu i gyllido ceisiadau llwyddianus am grantiau mwy (dros £8,000). Yn 2016, cafodd £200,000 ei neilltuo ac, yn 2017, 2018 a 2019, £350,000 ei neilltuo.
- 1.2** Ar gyfer 2019, hysbysebwyd y broses ymgeisio yn eang ac arweiniodd hyn at yr Ymddiriedolaeth yn derbyn 29 cais gan sefydliadau yn gofyn am gymorth, gyda chyfanswm o £1.17m yn cael ei ofyn am. Ar ôl asesiad ac ystyriaeth gan y Pwyllgor Adfywio a chymeradwyaeth gan bwyllgor llawn yr Ymddiriedolaeth, roedd 12 cais yn llwyddiannus, gyda'r £350,000 llawn yn cael ei ddyfarnu fel grantiau. Dyfarnwyd grantiau i amrywiaeth o sefydliadau a phrosiectau, gan gynnwys grwpiau cymunedol, clybiau chwaraeon, grwpiau sy'n cefnogi'r henoed yn y gymuned, gwyliau celf a cherddoriaeth, meithrinfa plant a phrosiect i gefnogi pobl o gefndiroedd difreintiedig.
- 1.3** Er mai penderfyniad i'r Ymddiriedolaeth lawn yw hi i benderfynu a'i ydynt eisiau dyrannu cyllid i grantiau mwy yn 2020, y Pwyllgor yma fydd yn penderfynu ar y swm i'w ddyrannu.

2. PENDERFYNU'R SWM SYDD AR GAEL AR GYFER GRANTIAU CYFALAF MAWR AR GYFER 2020

- 2.1** Mae'r grantiau mawr bob tro wedi cael eu cyllido gan unrhyw gynnydd yng ngwerth cyfalaf y portffolio buddsoddi. Defnyddiwyd unrhyw referniw a gynhyrchwyd gan fuddsoddiadau ar ffurf llog neu ddifidendau i gyllido'r grantiau llai, y grant i Oriel Môn a chostau rhedeg cyffredinol yr Ymddiriedolaeth.
- 2.2** Dangosir yn Nhabl 1 isod y gymhariaeth yng ngwerth cyfalaf y portffolio rhwng 30 Medi 2018 a 30 Medi 2019.

Tabl 1

Symudiad yng Ngwerth Cyfalaf y Portffolio Buddsoddi rhwng 30 Medi 2018 a 30 Medi 2019

	£
Gwerth y Portffolio Buddsoddi ar 30 Medi 2019	22,426,325
Llai Gwerth y Portffolio Buddsoddi ar 30 Medi 2018	22,945,228
Symudiad yng Ngwerth y Portffolio Buddsoddi	(518,903)
Ychwanegu Arian parod tynwyd allan o'r Gronfa Buddsoddi	1,515,776
Llai Incwm credydwyd i'r Gronfa Buddsoddi	(657,077)
Cynnydd yng Ngwerth Cyfalaf y Portffolio Buddsoddi	339,796

- 2.3** Rhaid i'r Pwyllgor, felly, gymryd i ystyriaeth y cyngor derbyniwyd gan y Rheolwr Buddsoddi cyn penderfynu beth fydd y swm i'w ddyrannu, gan sicrhau fod y gronfa yn parhau yn ddigon mawr i alluogi'r Ymddiriedolaeth, petai'n penderfynu gwneud hynny, i helpu cyn gymaint o fudiadau â sy'n bosib heb peryglu lefelau incwm y dyfodol y gellid ei greu gan y gronfa. Bydd y Rheolwr Buddsoddi yn bresennol yn y cyfarfod o'r Pwyllgor yma i ddarparu'r cyngor priodol.
- 2.4** Yn Nhachwedd 2017, penderfynodd y Pwyllgor sefydlu gwerth y cyllido ar 20% o'r cynnydd yng ngwerth cyfalaf y portffolio buddsoddi. Yn Nhachwedd 2018, adroddodd y Rheolwr Buddsoddi gynnydd yng ngwerth cyfalaf y portffolio buddsoddi a phenderfynodd y Pwyllgor i gadw gwerth y cyllido £350,000.
- 2.5** Byddai dyrannu 20% o'r cynnydd yng ngwerth cyfalaf ond yn darparu cronfa o £70,000, ac efallai ni fydd hyn yn ddigonol i gwrdd â'r gofyn, tra byddai dyrannu £350,000, fel yn y gorffennol, yn arwain at ostyngiad yng ngwerth cyfalaf y portffolio buddsoddi ac efallai ni fyddai'r Ymddiriedolwyr eisiau gweld hyn yn digwydd.
- 2.6** Dylid nodi fod y portffolio buddsoddi bellach wedi ei throsglwyddo drosodd i'r Sefydliad Corfforedig Elusennol, Sefydliad Elusennol Ynys Môn. Nid yw'r Ymddiriedolaeth newydd yma wedi cyfarfod eto, ac nid yw wedi sefydlu sut y bwriedir defnyddio'r cyllid i'r dyfodol. Efallai bydd yr Ymddiriedolaeth newydd yn penderfynu mai nid y ffordd orau o gyflawni amcanion strategol y Gymdeithas yw gofyn am geisiadau a dyfarnu grantiau mawr yn flynyddol.

3. GWEITHRED ANGENRHEIDIOL

- 3.1** Gofynnir i'r Pwyllgor ystyried cyngor y Trysorydd a'r Rheolwr Buddsoddi ac i benderfynu:-
1. A ydynt yn gohirio gwneud penderfyniad tan wneir penderfyniad gan Sefydliad Elusennol Ynys Môn ynglŷn ac yw'n dymuno parhau i ddyfarnu grantiau mawr neu beidio.
 2. Os nad yw'r penderfyniad yn cael ei ohirio, i argymhell ffigwr cyllido i Sefydliad Elusennol Ynys Môn. Gall y ffigwr cyllido amrywio o £70,000 (20% o'r cynnydd yn y gwerth cyfalaf) i £340,000 (100% o'r cynnydd yn y gwerth cyfalaf).